

Ислом КАРИМОВ

**ОЗОДЛИК ҲАВОСИДАН ТҮЙИБ
НАФАС ОЛГАН ХАЛҚ ЎЗ ЙЎЛИДАН
ҲЕЧ ҚАЧОН ҚАЙТМАЙДИ**

ТОШКЕНТ – «ЎЗБЕКИСТОН» – 2016

УЎК 323.(575.1) —
КБК 66.3(5У)
K 25

Ўзбекистон Республикаси Президенти Ислом Каримов жойларда ижтимоий-иқтисодий ислоҳотларнинг бориши, амалга оширилаётган бунёдкорлик ва ободонлаштириш ишлари билан яқиндан танишиш мақсадида 2016 йил 30 июнь куни Сурхондарё вилоятида бўлди. Ушбу китобдан ана шу сафар давомида давлатимиз раҳбари томонидан билдирилган фикр-мулоҳазалар ўрин олган бўлиб, улар нафақат мазкур вилоят, балки бутун мамлакатимизнинг бугунги ва эртанги тараққиёти учун ғоят муҳим аҳамиятга эга.

ISBN 978-9943-28-772-3

© «ЎЗБЕКИСТОН» ПМНУ, 2016

Президентимиз Ислом Каримов Сурхондарё вилоятига ташрифини Термиз шаҳрида миллӣ ва замонавий мсъморлик услублари асосида барпо этилган Хотира майдони билан танишишдан бошлади.

– Ўзбекистоннинг ўзига хос тимсолига айланган мана шу Мотамсаро она ҳайкали пойига келиб, таъзим қилган одам ҳеч қачон кам бўлмайди. Халқимизда эзгу бир тушунча, ҳаётий қоида бор, яъни, яхшиликка доим яхшилик қайтади. Агар яхшилик қилган одамининг ўзига қайтмаса, фарзандларига, набираларига қайтади. Ота-боболаримиздан бизга мерос бўлиб келаётган мана шундай хислат ва фазилатлар борки, биз улардан ҳеч қачон воз кечмаймиз. Фарзандларимизни, ёш авлодимизни ҳам шу рухда тарбиялаймиз.

Бугунги кунда бизнинг олдимида турган асосий вазифа шуки, Сурхондарё вилоятини, унинг маркази бўлган Термиз шаҳрини янада гўзал ва замонавий қилиш, жанубий чегараларимизда яшा�ётган халқимизнинг фаровонлиги ва турмуш даражасини юксалтиришдир. Ана шу мақсадга эриниш, Сурхондарё ҳамма

ҳавас билан қарайдиган даражага етиши учун мамлакатимизнинг тобора ўсиб бораётган имкониятларидан фойдаланиб, кейинги вақтда 1 триллион 500 миллиард сўмдан ортиқ маблағ ажратдик.

Мана, атрофга қаранг, Термиз шаҳри тобора қандай чиройли ва обод бўлиб боряпти. Лекин Сурхондарё ҳақиқий Сурхондарё бўлиб, бутун Ўзбекистонга ўзини кўрсатиши, намоён этиши керак.

Мана шундай мажмуани, мана бу ҳайкални барпо этганингиз учун сизларга, сизлар орқали бутун Сурхон аҳлига миннатдорлик билдириб, таъзим қиласман.

Бундай муқаддас маънавият масканларини, бундай ёдгорлик мажмуаларини барпо этиш, уларни сақлаш, ҳар томонлама гўзал қилиш барчамиз учун ҳам қарз, ҳам фарздир. Бундай зиёратгоҳларга келган ҳар қайси одам аввало Мотамсаро онанинг кўзига қарashi керак. Онанинг қиёфаси, юзи, кўзи нима учун мунгли эканининг сабабларини англаб стини керак.

Такрор айтаман, биз яхшиликини ҳеч қачон унутмайдиган халқмиз. Бугунги ёруғ кунларимиз учун жон фидо қилган, қаҳрамонона меҳнат қилган одамларни ҳамиша ёдда сақлашимиз, уларнинг ҳурмат-иззатини жойинга қўйиншимиз лозим. Ўртимиизда, она заминимизда истиқомат қилаётган ҳар қайси инсон мана

шундай кайфият билан яшаса, бу эзгу ва савобли ишга мен ҳам ўз ҳиссамни қўшяпман, деб, меҳнат қилса, бу бизнинг энг катта ютуғимиз бўлади.

Энг муҳими, биз – Оллоҳнинг назари тушган мана шундай заминда яшаётган инсонлар бу марҳамати учун ҳар куни эрталаб туриб, пок бўлиб, Яратганимизга шукроналигимизни, миннатдорлигимизни айтишимиз керак.

Бу табаррук масканни янада обод қилишимиз лозим. Масалан, бу ерга келадиган зиёратчилар дам оладиган, ёнидан сув оқиб ўтадиган салқин жойларни, ўриндиқларни ҳам ташкил қилиш керак. Ўз навбатида ёшилар ҳам бундай жойларга тез-тез келиб турса, «Камолот» Ёшилар ижтимоий ҳаракати бундай мажмуаларни ўз назоратига олса, мақсадга мувофиқ бўлади, деб ўйлайман.

Бундай ишиларни ҳар томонлама савобли иш деймиз. «Савоб ишини ҳар ким қилиши керак, савоб ишини ҳар кун қилиши керак» деган гапни мен 1991 йили айтган эдим. Мана, орадан 25 йил ўтди ва бу даъват бутун эл-юргимизнинг қалбидан, юрагидан чуқур ўрин олиб, ҳаётда ўзининг амалий тасдигини топмоқда.

Халқимизда қийинчилик кўрмаган одам мусулмон бўлмайди, деган гап бор. Бу жуда тўғри гап. Бир бурда ионга муҳтож бўлмаган одам ҳеч қачон унинг қадрига ета олмайди.

Ҳозир бу ҳақда гапиришни истамайман-у, лекин, қанча бадавлат яшасак, кечаги қунларимизни ҳам эслаб туришимиз лозим. Нега деганда, баъзи бир одамлар бугунги кунимизнинг қадрини билмасдан, тўқликка шўхлик қилиши мумкин. Шу маънода, шукроналик туйғусини болаларимизга етказиш ғоят муҳим аҳамиятга эга. Бугунги обод ва фаровон ҳаёт ойдан тушаётгани йўқ. Шунинг учун ҳаётнинг оғир кунларини ҳам, бугунги ёруғ кунларни ҳам кўрган ҳурматли қарияларимиз, фахрийларимиз бу масалада ўзини бурчли деб билиб, халқимиз, айниқса, ёшларимиз ўртасида ким эдигу ким бўлдик, деган ҳақиқатни қанча қўп тушунтираса, юртимиз шунча гўзал, ҳаётимиз янада мазмунили бўлади.

Бугунги кунида юртимизда оддий одамнинг ўзи йўқ. Ҳаммамиз, жамиятимиз ҳар бир аъзосининг авваламбор ўз мустақил фикри, ҳаётга қараши ва муносабати бор. Шу шуктаи назардан қараганда, «Ҳов ана, юқорида раҳбарлар ўтирибди, нима иш қилишини улар билади, биз фақат есть қиласмиз» деган гапларни эски замон ўзи билан олиб кетди. Мен шахсан бундай гапларга, бундай қараашга мутлақо қаршиман. Биз бугун кимни тарбия-ляяпмиз? Биз ўз мустақил фикрига эга бўлган, ўз онгу тафаккури ва билимига суюнадиган ёшларни, янги замон авлодини тарбияляяпмиз.

Онгли инсон бу оламда ўзи нима учун яшаяпман, нима учун ҳаёт айни шундай қийинчилик ва доимий курашлардан иборат, ютуқ ва марраларга қандай қийинчиликлар билан Эришяпмиз, деган саволлар устида албатта ўйлади, мuloҳаза юритади. Бу ҳаётда ҳеч нарса осонликча келмайди. Агар осон келса, осон кетади. Инсон бир нарсага қийинчилик билан эришса, албатта унинг қадрига стади. Ҳаётда ҳар томонлама асосга эга бўлган ишларгина умрбод қолади.

Кўп жойларда, жумладан, Сурхондарёда ҳам баъзи одамлар бизга бўлаверади, деган кайфиятдан ҳамон қутула олгани йўқ. Тўғри, бу срда иқлим шароити оғир, жанубдан афғон шамоли эсади. Лескин шу юртни обод қилиш, жашнатга айлантириш – бизнинг вазифамиз. Одамларнинг, авваламбор ёшлиарнинг бу масалага муносабатини ўзгартириш керак.

Мен Сурхон воҳасига келганимда доимо Ҳаким Термизий мажмуасини зиёрат қиласман. Ўтган сафар бу жойдаги баъзи дараҳтлар қуриётганини кўриб, жуда хафа бўлдим. Шундан кейин раҳбарларга қаратса, мана, бу зиёратгоҳни шу даражада обод қилиб, сизлар учун тайёрлаб бердик, қанча-қанча маблағ ажратдик, қанча дараҳтлар экдик, энди шуни асраб-авайлаш, дов-дараҳтларга қараб туриш сизларнинг вазифангиз эмасми? Ахир, раҳбар дегани эрта-

лаб келиб, шу ерни бир айланиб чиқса, бўлмайдими? Шундай жойни гуллатиб, эл-юртнинг розилигини олиш – бу раҳбар учун энг катта бурч эмасми, деган аччиқ гапларни айтиб, баъзи мутасаддиларни ишдан олишга ҳам тўғри келган эди.

Нега деганда, биз бугун мутлақо янги бир йўлдан кетяпмиз, энди бешарво бўлишга, бизга бўлаверади, деб яшашга ҳеч қандай ҳаққимиз йўқ. Мана шундай жаинат жойда, Худонинг назари тушган масканда ҳеч ким «бисмилло» демасдан бирор ишни бошламайди-ку, тўғрими? Бу – қон-қонимиз, суюк-суюгимизга сингиб кетган одат. Шу нуқтаи назардан қараганда, буни унутиш, мана шундай муқаддас жойга бешарво муносабатда бўлиш асло мумкин эмас. Бу масалада ташаббус аввало қуидан, жойлардан чиқини керак.

Давлатимиз раҳбари Термиз шаҳрида барно этилаётган Санъат саройи биносини кўздан кечириб, қурилиш ишларини такомиллантириш бўйича ўз таклиф ва тавсияларини билдирди.

Мамлакатимиз Президенти шу куни Ҳаким Термизий ёдгорлик мажмуасини зиёрат қилиб, бу тарихий обидани асрраб-авайлаб сакланш, унинг атрофини янада обод қилиш юзасидан қуидаги фикр-мулоҳазаларни баён қилди.

– Биз Бухорода буюк аждодимиз Баҳоуддин Нақибанд зиёратгоҳини тубдан қайта бунёд

этдик. Улуг аллома Ҳаким Термизий бобомиз мақбарасининг ички безакларини ана шу тажрибадан келиб чиқиб, янада бойитиш мақсадида алоҳида лойиҳа тайёрлаш лозим. Лойиҳачи ташкилот, биринчи навбатда, бу масаланинг миллий ва диний томонларини албатта ҳисобга олиши зарур. Биз бу табаррук масканда шу пайтга қадар кўпгина хайрли ишларни амалга оширдик, лекин, очиғини айтганда, мақбаранинг ички кўриниши анча камтарона қиёфада қолмоқда. Мана бу ғиштдан қилинган жойларга бошқача бир нақш ва зийнат берин, бунинг учун, айтайлик, Соҳиб-қирон бобомиз Амир Темур даврига мансуб безакларни, Самарқанд вилоятидаги Имом Бухорий зиёратгоҳида амалга оширилган таъмирлани ишларини атрофлича ўрганиш керак. Айни вақтда ҳар бир ишни шошил-масдан, етти марта ўлчаб, бир марта кессан ҳолда, ҳар томонлама ўйлаб, амалга ошириш зарур. Тошкент шаҳридаги Минор масжиди қурилишинида иштирок этган энг тажрибали ва маҳоратли усталарни ҳам бу ишга жалб этиш ўринили бўлади, деб ўйлайман.

Бу ишлардан мақсад – Ҳаким Термизий бобомиз руҳи покларини улуғлаш, бу буюк зотининг хотираси олдида фарзандлик бурчимизни аддо этишдан иборат. Бу мақбарани шундай таъмирлаш керакки, уни кўргандা

уста ва меъморларимизнинг ишига, халқимизнинг аждодларимиз руҳига кўрсатаётган юксак ҳурмат-эҳтиромига ҳамма ҳайратда қолсин.

Президентимиз Термиз туманидаги «Янгиарик пахтакори» фермер хўжалиги даласида бўлиб, дехқон ва фермерлар, вилоят фаоллари билан самимий сухбатлашди.

— Авваламбор сиз, азизларни соғ-саломат кўриб турганимдан хурсанд эканимни билдириб, барчангизга ўзимнинг чуқур ҳурматимни изхор этаман. Кўпдан буён сизлар билан учрашмаганимиз учун, очигини айтсан, сизларни соғинганимни ҳам айтмоқчиман. Нега деганда, менинг тасаввуримда Сурхондарёning ўзига хос ўрни бор ва қалбимда Сурхон элига алоҳида месҳр, эътибор бор.

Бир вақтлар Сурхондарёда биринчи раҳбар бўлиб ишлаган бир одам, бизга ёзда ҳеч ким келмайди, чунки ҳаво жуда иссиқ, гармсел эсиб, афғон шамоли кўзни очирмайди, деган гаплар билан бошқаларни қўрқитмоқчи бўларди. Ўтмишда қолган ана шундай номаъқул гапларни эслаб, ўзимизга фақат битта савонни берсак, табиий бўлади: Сурхон заминида ким қандай из қолдирди?

Агар чуқур ўйлаб, холисона баҳо берадиган бўлсак, Сурхондарё ҳақида шундай бўлмағур фикрларни тарқатиб юрган бу одамларинг ўзи ҳам бу юртда вақтинча ўтирганини яхши

биларди. Ҳолбуки, Сурхондарёни, унинг қадимий ва бой тарихини, ранг-баранг табиатини ҳар томонлама билиш учун бу ўлкага меҳр қўйиш, унинг мард ва олижаноб халқи билан бирга яшаш, қийинчиликларни биргаликда енгиб ўтиш керак эди.

Шу нуқтаи назардан қараганда, биз Сурхондарё деганда, ғурури тоғларидек баланд, мардлик ва матонатни юксак қадрлайдиган, Алпомишидек паҳлавон ўғлонлар, Барчинойдек барно қизларни тарбиялаб вояга етказаётган, ҳар қандай шароитда ҳам ўзлигига, ўз қадрият ва урф-одатларига содик бўлиб яшайдиган, танти ва меҳнаткаш элни тушунамиз.

2014 йилда Термиз шаҳрига Амир Темур орденини тоширияётган пайтда мен Сурхондарё халқининг ҳаммамиизда алоҳида ҳурмат ва эътибор уйғотадиган яна бир хислати, белги-аломати борки, у ҳам бўлса, сизларниңг мамлакатимизниң жанубий чегараларида бамисоли мстин қалъа-қўргон бўлиб келаётганингиздир, деб таъкидлаган эдим. Ҳақиқатан ҳам, Сурхондарёда Ватанимиз сарҳадлари ниңг ҳимоячилари яшайди, дессан, буни юрагимда Сурхон халқига, сурхондарёлик ёшлиарга бўлган меҳримниңг яна бир ифодаси, деб қабул қилишингизни сўрайман. Ўйлайманки, доимо биз учун тинчлик ва омонлик керак, деб яшайдиган халқимиз сизларниңг бу бора-

даги ўрнингиз, хизматингизни яхши англайди ва юксак қадрлайди.

Шу нуқтаи назардан қараганда, сизлар билан бугунги учрашувимизни шу юртда яшаётган барча инсонлар билан учрашув деб биламан. Бугунги кунда телевидение орқали шундай катта имкониятларга эга бўлдикки, сухбатимизда билдириладиган барча фикр-мулоҳазалар ҳақида бутун эл-юртимиз хабардор бўлади. Бу ерга келишимдан олдин менга Сурхондарё ва Қашқадарёда бугун 43 даражада иссиқ бўлар экан, деган гапларни айтиб, бошқача бир таассурот уйғотишга секин ҳаракат қилганилар ҳам бўлди. Мана, соат 11 дан оиди, майли, кун ўзи кўрсатади қандай иссиқ бўлишини, лекин мен ҳозирча Сурхондарёнинг жазирамасини сезмаямсан. Хоҳлаган одам буни сездади, хоҳламаган одам сезмайди, демокчиман.

Сизларга бир фикрни очиқ айтишим керак. Мана, сизлар Сурхон воҳасида яшайсанз, мен бу ердан бошқа жойларга кўчиб ўтганилар тўғрисида камдан-кам эннатаман. Шу масалага қизиқаман, лекин бундайларни камдан-кам учратаман. Бунинг хислати, сабаби – аввало, Сурхон элининг юртпарварлиги, ўз туғилиб ўсган жойига садоқати билан бояниқ, десам, тўғри бўлади.

Бугунги кунда вилоятда ҳар куни кўплаб янгиликлар бўляпти, катта ишлар амалга оширилмоқда. Мана, жорий йилнинг бошидан буён бўлиб ўтган турли воқсаларни хаёли-миздан ўтказадиган бўлсак, бир нарсани алоҳида ургу бериб айтиш мумкин – Сурхон халқи ҳаётида бу йил омадли келяпти, десам, нима дейсизлар?

Бунииг асосий сабаби авваламбор сизларнинг мана шундай соғ-саломат эканингиз, ҳаммаигиз Худо берган кунларни – майли, иссиқ бўлсаям, ўзимизнинг иссиқ – оила даврасида ўтказаётганингиз, десам, бу ҳам тўгри бўлади. Ҳақиқатан ҳам, ҳаммамиз соғомон, тинч-хотиржам бўлсак, бундан катта ютуқ бўлини мумкини ўзи? Энг муҳими, бизга тинчлик керак, омонлик керак. Ҳаммамизнинг интилишнимиз, тилагимиз, умидимиз, орзуимиз шу.

Иккинчидан, ҳозирги вақтда ҳаммамиз бугунги кунимиз кечаги кунимиздан ҳам ёруғ бўлини, янада катта натижаларга Эришинни-миз, мамлакатимизнинг салоҳияти ўсинини орзу-ният қилиб, шу ҳақда ўйлаб, меҳнат қиляпмиз. Одам зоти борки, албатта бир умид билан яшайди.

Бу ҳақда сўз юритар эканмиз, ҳаммамизни бирлаштириб турадиган улуғ бир орзу, мақсад борлигини алоҳида таъкидлаш лозим. Бу йил

бутун эл-юртимиз билан биргаликда мустақил, озод ва обод Ўзбекистонимизнинг 25 йиллик тўйини кенг нишонлаймиз. Айтмоқчиманки, Ўзбекистонимизнинг бугунги ҳаёти кечаги турмушидан албатта яхши бўлиши, эртанги кунимиз эса ундан ҳам ёруғ, ҳар томонлама файзли, тароватли бўлиши керак.

Энг муҳими, бу йилги мустақиллик байрамининг бош ғояси сифатида танланган «Гўзал ва бетакроримсан, муқаддас Ватаним, жоним сенга фидо, Ўзбекистоним!» деган даъваткор сўзлар эл-юртимизнинг қалбида, юрагида чуқур акс садо бермоқда. Чиндан ҳам, бугун юртимизда она Ватан учун, эл учун яшаш олий баҳт экани, ўтган 25 йил давомида амалга оширган ишларимиз, эришган улкан ютуқларимиз ҳақида чуқур ўйлаб, бугунги кунимизни кечаги кунимиз билан қиёслани, солиштириш ҳисобидан «Биз кеча ким эдигу бугун ким бўлдик?» деган савол устида мулоҳаза юритмайдиган одам топилмаса керак. Мен кеча ким эдим, менинг қариандошлиларим, менинг атрофимдаги одамлар, эл-юртим кеча қандай яшаган эди, собиқ Марказдан юборилган «десантчи»лар халқимизнинг бошига қандай кунларни солган эди, деган саволлар ҳақида ўйламайдиган одам бугун орамизда бўлмаса керак.

Мустақиллик туфайли биз миллий ўзлигимиз, қадр-қимматимизни англаганимиз, инсоний ҳақ-хуқуқимиз, дину диёнатимиз, шаъну ғуруrimiz тиклангани, бугунги кунда Ўзбекистонимиз қандай тез суръатлар билан ўсиб бораётгани, дунё тан олаётган улкан натижаларни қўлга киритаётганимиз, келажакка, ўз куч ва имкониятларимизга ишонч билан яшааш ҳаётимиз мазмунига, қоидасига айлангани ҳақида фахр билан гапирмайдиган юртдошимизни учратишнинг ўзи қийин.

Биз киммиз, қандай буюк зотларнииг авлодимиз, қандай бебаҳо мероснинг ворисларимиз, деган саволларга жавобни бугун халқимиз, авваламбор мактабда ўқиётгани болаларимиз ёддан билади. Бу – бизнинг жуда катта ютугимиз. Шу тўғрида ганирадиган бўлсак, И мом Бухорий, И мом Термизий, Муҳаммад Ҳоразмий, Абу Райҳон Беруний, Мирзо Улугбек каби кўпилаб алломаларимизни, буюк саркарда Амир Темур бобомизни ёши авлодимиз биздан ҳам кўпроқ билади.

Мен солинтириши, қиёслаш ҳисобидан айни шу ҳақиқатни айтяпман. Мактабда, лицей ва коллежларда, олий ўкув юртларида ўқиётгани болаларимиз бугун шундай ғурур билан майдонга ҳал қилувчи куч бўлиб чиқяптики, онгли яшаётган ҳар қандай одам бунига албатта ҳар томонлама ўз баҳосини

беради. Агар болаларимизнинг кўзига, юзига қарасангиз, улар худди энди очилиб келаётган гулғунчани эслатади. Ана шундай навқирон авлод сафимизга кириб келаётгани бизнинг келажагимиз янада ёруғ бўлишидан далолат беради.

Албатта, бу дунёга ҳеч ким устун бўлмаган ва бўлмайди ҳам, бу ҳаёт ҳақиқати. Лескин мен бир фикрни айтсам, ўйлайманки, сизлар ҳам унга қўшиласиз. Биз бугун ниманинг ҳисобидан эртangi кунга ишонч билан яшаемиз? Авваламбор, ҳозирги ҳаётимиздан рози бўлиш ҳисобидан. Дарёдек тез оқиб ўтадиган умр ҳақида ўйлар эканмиз, бу дунёда инсондан нима қолади, қандай из қолади, деган фикр ҳаёлимизда чарх уради. Бу жаҳонда инсондан қоладиган энг ёруг из – бу авваламбор фарзандлардир. Лийниңса, ўзбек ҳалқи биз учун энг катта бойлик – бу фарзанд деб жавоб беради, бутун ҳаётини уларининг тарбиясига, баҳту камолига бағишлайди.

Биз буидан чорак аср муқаддам, яъни 1991 йил 31 августда ўз давлат мустақиллигимизни қўлга киритиб, юртимизда ҳеч кимдан кам бўлмаган, озод ва эркин ҳаёт барпо этишини ўз олдимизга олий мақсад қилиб қўйган эканмиз, бу йўлда қандай тарихий ишларни амалга оширдик, қандай залворли қадамларни қўйдик, эришилган

ютуқларда бизнинг ҳиссамиз нимадан иборат бўлди? Энг муҳими, биз ўзимиздан қандай из қолдирмоқдамиз?

Бу ҳаётий саволларга жавоб берар эканмиз, бизнинг бугунги фарзандларимиз, мустақил фикрлайдиган, миллий ва умуминсоний қадриятлар руҳида камол топган, Ватанимизниг бугуни ва келажак истиқболи учун масъулиятни ўз зиммасига олишга қодир бўлган, бизнинг ҳақиқий таянчимиз ва суяничимиз бўлиб, ҳал қијувчи куч бўлиб ҳаётга кириб келаётган янги авлодимиз – бизнинг энг катта ютуғимиз, биз бошилаган ишларининг муносиб давомчилариидир, деб ҳар қанча фахр билан ганирсак, арзийди, албатта.

Халқимизда «Яхшидан боғ қолади, ёмондан дөг қолади» деган мақол бор. Жуда зўр, тониб айтилгани тан.

Бу ҳақда сўз юритганда, яна бир парсага алоҳида ургу беринин истардим. Бир пайтлар чуқур инқироз туфайли жар ёқасига келиб қолган, инқисодиёти заиф ва почор бўлган Ўзбекистон ўтган 25 йил давомида қандай улкан марраларга эришиди, бу ютуқлар ниманинг ҳисобидан қўлга киритилди, деган саволга жавоб битта: озодлик, мустақиллик туфайли биз шундай буюк иатижаларга эришидик. Кеча ҳалокат ёқасида турган халқимиз бугун шундай эркин нафас оляптики,

мен бир вактлар айтганимдек, озодлик ҳавосидан тўйиб-тўйиб нафас олган инсон ҳеч қачон ўз йўлидан қайтмайди, уни ҳеч ким эски ҳаётга қайтара олмайди.

Агар эътибор бериб қарайдиган бўлсак, илгари юртимизда ўн-ўн беш йилда биронта йирик воқеа содир бўлган бўлса, бугунги кунда мустақил мамлакатимизда ҳар ойда шундай улкан, тарихий воқеалар юз беряптики, уларни санаб чиқишининг ўзи қийин. Масалан, кейинги бир неча ойнинг ўзида юртимиз ҳаётида илгари ҳеч тасаввур ҳам қилиб бўлмайдиган тарихий воқеалар юз берганини кўрамиз.

Сизларга яхши маълум, куни кеча пойтахтимизда ўз ишини якунлаган Шанхай ҳамкорлик ташкилотининг Тошкент саммити нафакат унбу ташкилотга аъзо давлатлар ҳаётида, айни вақтда дунё миқёсида ҳам муҳим сиёсий воқса бўлгани жаҳондаги нуфузли сиёсатчилар ва эксперталар томонидан кенг эътироф этилмоқда. Жаҳон оммавий ахборот воситаларида Ўзбекистон раислигида ўтган Шанхай ҳамкорлик ташкилотининг 15-юбилей саммити, ҳеч шубҳасиз, улкан тарихий воқеа бўлиб, ташкилот фаолиятида янги босқични бошлиб бергани алоҳида таъкидланмоқда. Бу ҳақда сиз бутун халиқимиз қатори матбуотимиз, телевидение орқали

хабардор бўлдингиз. Шу сабабли бу воқеа-нинг тафсилотларига ортиқча тўхталиб, таърифлаб ўтиришнинг ҳожати йўқ, деб ўйлайман.

Шанхай ҳамкорлик ташкилоти саммити олдидан Хитой Халқ Республикаси Раиси Си Цзиньпин давлат ташрифи билан мамлакатимизга келгани, Фарғона водийси вилоятларини мамлакатимизнинг бошқа худудлари билан тўғридан-тўғри боғлайдиган 123 километрлик Ангрен – Поп темир йўли ва 19 километрдан зиёд узуниликдаги Қамчиқ тушили фойдаланишга тоширилигани ҳақиқатан ҳам бекёс тарихий воқса бўлди. Хитойлик ҳамкорларимиз ёрдамида ана шу темир йўлни барни этиш билан биз Ўзбекистонимизда ягона ва яхлит миллий темир йўл тизимини тўлиқ шакллантиришга эринидик. Энг муҳими, 10 миллиондан зиёд аҳоли истиқомат қиласидаги Фарғона водийси аҳолисининг ҳаётӣ манфаатларини, Фарғона, Наманган, Андижон вилоятлари иқтисодиётининг барқарор фаолият кўрсатишни таъминлаш имконига эга бўлдик.

Шанхай ҳамкорлик ташкилоти мажлисида Ҳиндистон ва Покистоннинг ШХТга тўла хуқуқин аъзо бўлиб кириш жараёни бошланди. Шунга эътибор беринг, бу икки давлат Ташкилотга аъзо бўлса, сайёрамизнинг 7 миллиардлик аҳолисининг 48 фоизи, яъни, деярли

тенг ярми ШХТга аъзо мамлакатлар ҳиссасига тўғри келади. Ана шундай тарихий воқеа Ўзбекистон пойтахти Тошкент шаҳрида содир бўлди.

Ҳаммангиз гапимнинг мазмунини тўғри тушуняпсиз, деб ўйлайман. Сабаби – ана шу тарихий қарор қандай қийинчилик билан тайёрлангани, бу борада узоқ музокаралар олиб борилгани – ўзингиз кўрдингиз, икки кун ичида шахсан мен юқори мартабали 25 нафар раҳбар билан учрашдим – бу ҳам кўп нарсадан далолат беради. Шу нуқтаи назардан қараб айтадиган бўлсак, бу воқеа айнан Ўзбекистонда, Тошкентда рўй берган ҳодиса сифатида тарихда қолади.

Бунинг исботини нимада қўринимиз мумкин? Ҳозир бутун дунёни ларзага солаётган воқеа – бу Буюк Британиянинг Еврона Иттифоқидан ажрагалиб чиқини масаласи бўлиб қолди. Айни вақтда ШХТнинг Тошкент саммити, бу ерда қўрилган масалалар ва қабул қилинган қарорлар бутун дунёнинг ишоҳини, эътиборини Тошкент шаҳрига, ушбу ташкилот мажлисига қаратди, десам, айни ҳақиқатни айтган бўламан.

Ватанимизнинг халиқаро майдонида мана шундай юксак эътибор ва эътироф топишни, табиийки, барчамизга, бутун халиқимизга мамнуният ва ғурур стказади.

Дунё ҳамжамияти бизни тан олган, ҳурматва әхтиром билдираётган, Ватанимиз ана шундай юксак нуфуз билан янада илгарилаб бораётган бир пайтда беихтиёр собиқ мустабид тузум даврида халқимиз бошидан кечиргаи азоб-уқубатлар, «пахта иши», «ўзбек иши» деган уйдирма ва тухмат гапларни ўйлаб тониб, эл-юртимизни ёмонотлиқ қилишга уриниб, бизга иисбатан қандай маломат тошлиари ёғдирилган даврлар эсга тушади. Мен Ўзбекистонга биринчи раҳбар бўлиб сайланганимда бутун юртимиз чидаш қийин бўлган ана шундай азоб-уқубат ва муаммолар олови ичидаги ёниб ётган эди. Биринчи раҳбар бўлиб СССРнинг қаерига бормайни, қайси мажлисда қатнишмайни, ҳамма жойда мана шундай гапларни энгитини, ноҳақлиқ ва адолатсизлик оқибатларини кўриши Ўзбекистонни она Ватаним, менинг юртим деб яшайдиган ҳар қандай ишсон учун албаттга катта азоб эди. Буни фақат шу воқеаларни бошидан кечирган одам тушунади.

Бундай огири вазиятдан чиқини, уни тубдан ўзгартириши керак эди. Мустақилликка эринини биз учун ҳаёт-мамот масаласига айланган эди. Гарчи мустақилликни 1991 йил 31 августда эълон қилган бўлсак ҳам, бунинг заманинни яратини йўлидаги ишларни биз

анча олдин бошлаганимиз сизларга яхши маълум, деб ўйлайман.

Албатта, истиқлол йилларида эришган ютуқларимиз ҳақида узоқ гапириш, бу борада тегишли рақам ва фактларни олиб келишимиз мумкин. Бу ҳақда кўп гапирмасдан, фақат кейинги 11–12 йил давомида Ўзбекистонда ялпи ички маҳсулотнинг ўсиши 8 фоиздан кам бўлмасдан келаётганини айтиб ўтишнинг ўзи кифоя, деб ўйлайман. Бундай юксак натижа жаҳоннинг саноқли давлатларида кузатилмоқда, холос. Ҳозирги кунда бутун дунё бизга қойил қолиб, Ўзбекистон деган бу давлат қасердан пайдо бўлди, бундай натижаларга у қандай эришяпти, деб ўз фикри, ҳайратини билдирияпти.

Бундай фикрларга жавобан, Ўзбекистон доим бўлған, ҳозир ҳам ўз ўрни ва мавқенини мустаҳкам эгаллаб турибди, эртага бундан ҳам каттароқ марраларни забт этади, деб, баланд овозда, бараила айтишга тўла асосларимиз бор.

Биз шу кунларда мамлакатимиз мустақилигининг 25 йиллик тўйига қизғин тайёргарлик кўряпмиз. Биз – Яратганинг назари тушган юртда яшайдиган халиқмиз. Бундай баҳт ҳаммага ҳам насиб этавермайди. Буни мен бизнинг бошимизга қўиган баҳт қуши, буюк неъмат ифодаси, деб биламан ва бунинг қадрига албатта етишимиз керак.

Шукроналик туйғуси билан яшаш, Оллоҳга миннатурларлик билдириш барчамиз учун ҳам қарз, ҳам фарз бўлиши керак. Шунда бизни ҳеч қандай қийинчилик чўчита олмайди. Келгусида олдимизда турли муаммо ва қийинчиликлар пайдо бўлиши мумкин. Чунки ҳаёт ташвиш ва муаммосиз бўлмайди. Ана шу синовларни снгиб ўтишда биз аввало кимдан мадад сўраймиз? Ҳар ишга қодир Худодан, албатта. Ундан кейин ўзимизнинг кучимизга суяномиз.

Бу борада биз учун энг катта ҳакам – виждон деб ўйлайман. Фақат виждошли инсонгина бундай саволларга адолатли жавоб бериш мумкин. Агар инсоннинг ўзида виждон бўлмаса, ундан нимани ҳам кутиш мумкин?

Мен илгари ҳам айтган ганимни бугун яна такрорлаб айтмоқчиман. Ҳалқимиз ҳамма нарсага чидайди, лекин адолатсизликка чидай олмайди. Шу нуқтаи назардан қараганда, юргимизда виждошли одамлар тобора кўпаймоқда, адолат янада кенг қарор тоғмоқда. Мана, ёшларимиз, янги авлод ўсиб, катта ҳаётга дадил кириб келяпти. Биз бу авлодга бағримизни кенг очиб, улар билан ғуурланиб яшанимиз керак. Ҳеч шубҳасиз, эртаниги кун кимники – ёшларимизники. Биз уларнинг бундан ҳам тезроқ ҳал қилувчи куч бўлиб ҳаётимиздан ўз муносиб ўрнини эгаллаши

учун кўмак беришимиз, қўллаб-кувватлашимиз керак. Бундай азму шижаатли ёшларга оқ фотиҳа бериб, «Болам, сени Ватан кутмокда, ўзингни кўрсат!» деб катта ҳаётга йўлланма берсак, энг тўғри иш бўлади.

Бугун сизлар билан ҳаммамиз учун хурсанд-чилик бир кунда учрашиб турибмиз. Бу йил ғаллачиликда юртимизда энг биринчи бўлиб ким ўзини кўрсатди, деб сўрасангиз, Сурхон воҳаси дехқонлари, деб жавоб бераман. Сурхондарё вилоятиning миришкор дехқон ва фермерлари 670 минг тонналик улкан хирмон бунёд этиб, мамлакатимизда биринчи бўлиб ғалла тошириш бўйича шартнома мажбуриятини бажаришга эришгани билан сиз, азизларни, бутун вилоят меҳнаткапиларини багримга босиб, чин қалбимдан табриклайман.

Сизларнииг ҳалол ва фидокорона меҳнат ҳисобидан эришган мана шундай улкан ғалабангизни эшишиб, тўғриси, ўзимда шундай бир мажбуриятни ҳис этдимки, бу ёқка келиб, ҳар бирингизнииг қўлишгизни сикиб, табрикламасам, раҳмат айтмасам, худдики ўзимни сизларнииг олдингизда қандайдир қарздор бўлиб қоладигандек сездим.

Мен ўзимнииг чиқишларимда «Ўзбек дехқонининг ҳар бир куни, манаққатли меҳнати ҳақиқий қаҳрамонликдир» деган фикрини кўп бор айтганман. Бу сўзларни айтганда мен

бутун юртимиз дәҳқонлари қатори Сурхон элининг ҳам мардона ва машаққатли меҳнатини ўзимга тасаввур қиласман. Ҳақиқатан ҳам, жануб қуёшининг жазирама иссиғида, афғон шамоли ва гармсел шамоллари эсиб турадиган ўта мураккаб шароитда мўл ҳосил ундирадиган Сурхондарё дәҳқонлари ва фермерларининг ҳар бир куни ҳақиқий матонат ва мардлик намунасиdir.

Вилоят бўйича ҳосилдорлик гектаридан 54 центнерни ташкил этганини, Сариосиё, Денов, Узун, Шеробод туманиларида бу кўрсаткич 60 центнерга, Термиз, Музработ ва Қизириқ туманиларида оса 50 центнерга стганини алоҳида таъкидлан лозим.

Шу борада Денов туманидаги «Шарофиддин», Жарқўргон туманидаги «Аблумўмин Жўраев», Қумқўргон туманидаги «Мунҷоқтена истиқболи», Шўрчи туманидаги «Нурмат Хўжақулов», Термиз туманидаги «Янгиарик», Қизириқ туманидаги «Заркамар», Шеробод туманидаги «Бойсун чорбоги» каби ўйлаб фермер хўжаликлари ўртача ҳосилдорликни 75 центнерга стказиб, ўзбек дәҳқонининг қандай буюк иншарга қодир эканини амалда яна бир бор намоёни этгани бу йил Худонинг ўзи омадимизни берганининг ёрқин патижаси, десам, ҳаммангиз шу фикрини қўллаб-куватлайсиз, албатта.

Биз учун энг муҳим томони шундаки, ўриб-йигиб олинган ғалланинг 58 фоиздан зиёди, яъни 390 минг тоннадан ортиғи фермер хўжаликлари, аҳолимиз ихтиёрида қолдирилди. Ўйлайманки, бунинг аҳамиятини ноннинг қадр-қимматини биладиган ҳалқимиз яхши тушунади. Бундан биринчи навбатда ким хурсанд бўлади? Авваламбор, мана шу ғаллани етиштирган механизаторлар, дех-қонларимиз, сувчиларимиз хурсанд бўлади. Мен ана шу инсонларга, бугунги ғалабага озгина бўлса ҳам ўз ҳиссасини қўшган барча-барча юртдошларимизга таъзим қилиб, уларга самимий миннатдорлигимни изҳор этиб, ксл-гуси ишларида янги ютуқ ва омадлар тилайман.

Кейинги йилларда Сурхон ёшлиари орасидан ўнлаб-юзлаб ишлаб чиқариш, илм-фан, маданият намояндадари, тадбиркор ва ишбилармонлар, истеъододли санъаткорлар, спортчилар стишиб чиқаётгани сизларга яхши маълум, албатта.

Боя айтиб ўтганимдек, куни кеча мамлакатимиз пойтахти Тошкент шаҳрида бўлиб ўтган Шанхай ҳамкорлик ташкилотининг навбатдаги саммити иштирокчилари учун катта концерт ташкил этилди. Ана шу концертда Сурхондар ё вилоятининг Қизириқ туманида туғилиб катта бўлган, яъни сизларнинг орангиздан стишиб чиқсан Самандар Алимов деган ёшгина операчи йигитимиз ўз маҳорати билан ҳаммани

қойил қолдирди. Ўзи оддий оиласдан чиқкан, Тошкентда консерваторияда ўқиб, таълим олиб, хозирги кунда Алишер Навоий номидаги академик театrimизнинг солисти, Ўзбекистон халқ артисти даражасига кўтарилган Самандар каби йигит-қизларимизни бағримга босиб, билиб кўйинглар, сизлар – менинг болаларим, фарзандларимсиз, деб ғуур билин айтишдан ҳеч қачон чарчамайман ва уларни ҳамиша кўллаб-қувватлашга тайёрман.

Мана шундай ёшларимизни кўрганда, авваламбор, уларни тарбиялаб вояга етказган ота-оналари, устоз-мураббийларига, уларнинг парвозига қанот берган эл-юртига раҳмат айтишини ўз бурчим, деб биламан.

Ҳаётилизнииг барча соҳа ва тармоқларида кўлга киритаётган мана шундай оламшумул ютуқларимизни биз янада кўпайтиришимиз, янада мустаҳкамлашимиз даркор. Бунинг асосий шарти ва гарови битта: биз – Ўзбекистон халқи ягона бир оила бўлиб, ҳамфиқр бўлиб яшашимиз ва ўз танлаган тараққиёт йўлимиздан ҳеч қачон қайтмаслигимиз зарур.

Каримов, Ислом
К 25 Озодлик ҳавосидан тўйиб нафас олган халқ ўз йўлидан ҳеч қачон қайтмайди/
И.Каримов. – Т.: «Ўзбекистон» НМИУ, 2016. 28 б.
ISBN 978-9943-28-772-3 УЎК 323.(575.1)
КБК 66.3(5Ў)

Расмий нашр

Ислом Абдуганиевич Каримов

**ОЗОДЛИК ҲАВОСИДАН ТЎЙИБ
НАФАС ОЛГАН ХАЛҚ ЎЗ ЙЎЛИДАН
ҲЕЧ ҚАЧОН ҚАЙТМЛАЙДИ**

Нашр учун масъул	<i>И. Аҳмедов</i>
Рассом-дизайнер	<i>Ш. Ҳоджаев</i>
Техник мухаррир	<i>Б. Каримов</i>
Кишик мухаррирлар:	<i>Д. Ҳолматова, Г. Ерагиева</i>
Мусаххих	<i>М. Ишонхонова</i>
Компьютерда тайёрловчи	<i>А. Сулаймонов</i>

Нашриёт лицензияси А1 №158. 14.08.2009.
Боснига 2016 йил 15 июнда рухсат этилди.
Бичими 60x90^{1/16}. Офсет қогози. «Times» гарнитурасида
офсет босма усулида босилди.
Шартли босма табоги 1,75+0,5 вкл. Нашр табоги 1,44+0,78 вкл.
Адади 5000 нусха. Буюртма № 16-483.

Ўзбекистон Матбуот ва ахборот агентлигининг
«O'zbekiston» нашриёт-матбаа ижодий ўйи.
100011. Тошкент, Навоий кўчаси, 30.

Телефон: (371) 244-87-55, 244-87-20.
Факс: (371) 244-37-81, 244-38-10.

*e-mail: uzbekistan@iptd-uzbekistan.uz
www.iptd-uzbekistan.uz*